



Inatsisartunut Ilaasortaq
Aleqa Hammond
Siumut

Apeqquteqaat:

Naalakkersuisut 2010-mut aningaasatigut allaffissornikkut sipaarutissaata ilaat tassaapput 18,4-19,5 millionit ukiumut tamannalu anguneqarsinnaanerarparsi ilaatigut ilinniartitseqqinnertigut taamaammat apeqqutigiumavara qaqugu qitiusumik allaffissuarmi ilinniartitseqqinneq aallartissava ?

Dato: 21. oktober 2009
Postboks 1037
3900 Nuuk
Oq/tel +299 34 50 00
Fax +299 32 46 14
oed@gh.gl
www.nanoq.gl

Akissut

Sipaarniarnissaq pillugu ilinniartitseqqinnerlu pillugit apeqquteqaatinnut Naalakkersuisut makku paasissutigissavaat:.

Qitiusumik allaffeqarfimmi aqqissuuteqqinnerata, Naalakkersuisuusimasut aalajangiinerat tunngavigalugu 1. januar 2008-mi atuutilersinneqartup kingorna, qitiusumik allaffeqarfimmi allaffissornikkut sipaarniutissat piviusunngortinnissaat aallartisarneqarpoq, tamanna aqutsisoqarfimmut aqqissusseqqinnermi piumasaqaatit ilagimmasuk. Sipaarniuteqarfissatut piumasaqaatit piviusorsortutut nalilerneqarput, allaffissornermi qitiusumik ingerlatsilernikkut, inuttassarsiuisarnerit qitiusumik aqunneqalernerisigut, ataatsimoortumik pisiniartarnissanik isumaqatigiissusiortoqarnerasigut atorfillilli utaqqiisaasumik utaqqiisaagallartumillu najugaqarallartarnerut sipaarniuteqarnikkut piviusunngortinneqarsinnaallutik – tamanna aningaasanik aqutsilluarnerunikkut immikkoortullu pitsaanerumik attaveqatigiinnerisigut, immikkoortorlu najugaqarnermut tunngasutigut, Tuapannguani sulisunut inissiat amerlinissaannik naatsorsuuteqarnikkut, soorlutaaq aamma utaqqiisaasumik utaqqiisaagallartumillu najugaqarallarnermummi inimut akiliuteqartitsisalernissamik naatsorsuuteqarnikkut.

Siuliani suliniutissat atorfilinnit suliarnikkut suliniutinillu isumaginninnerannik piumasaqaatit annertusineqassappata, suliniutilluunniit atorfillit suliarnikkut ikinnerusunik suliaqartitsisalissappata, aqutsisoqarfiup taama pisoqarneratigut pisut ataasiakkaarlugit nalilersuisassaaq ilinniartitseqqiinnerit suut piginnaasaqarfissallu suut atorfilinnut ataasiakkaanut pitsaanerpaamik kinguneqartitsisussat nalilersortassavaat. Taamatut pisoqarneratigut ilinniartitseqqiinnerit pisortat akisussaaffigisaasa iluini ingerlanniarneqartarumaarput, tassa siunissami qaninnerusumi atorfinnik nutaanik pilersitsisoqarsorinarsinnaasuni ilinniartitseqqinneq ingerlanneqartarumaarluni. Atorfiit inuttaqanngitsortaqaalerpata suliffiullu iluani piginnasaqariakkanik sulisoqareerpat, atorfik atorfeqareersumik inuttalernarneqartarumaarpoq. Taamaammat atorfeqareersut pitsaanerpaamik periarfissaqartikkumallugit Namminer-

sorlutik Oqartussani allamut nuunnissaat periarfissaajumaarpoq, imaluunniit allatut iliornikkut, tamannalu periarfissaappat Namminersorlutik Oqartussat avataani al- lamik atorfittaartarnissaat periarfissaajumaarpoq.

Sipaarniarnermik pilersaarutit angusinnaajumallugit, atorfillillu taamatut angunia- gaqarnermi periaasissaanik ilitersorniarneri eqqarsaatigalugit ingerlaavartumik ingerlariaaseqarfiusussa q IT-kkut sakkut nutaat aqutsisoqarfimmit pitsaanerusemik atornerisigut ingerlanneqartussaavoq. Periuseq tamanna Qitiusumik Aqutsisoqar- fiup IT-lerisut suleqatigiivisa aamma pisortat ataatsimoorullugu IT-lerinermik aqut- sisuisa aquttussaavaat, taakkua aningaasat atornerqartut ataasimoorluni aquttas- savaat inuiaqatigiinni aningaasaqarnikkullu sunniutissaat annertunerpaaffissaanii- tinniartussaallugu. IT-lerinikkut sakkut allanngortinnerisigut atorfillit kalluarneqartut ilitersornerisigut suliallu ataasiakkaat suliniutigineqarnerini sammisaq tamaat pit- sanngorsaavigineqassaaq, taamaammallu aalajangiinissamik aningaasaqarnermik naatsorsuutitut ilaatinneqartussaallutik.

Siuliani taaneqartunut nangissutitut ilinniartitseqqiineq aamma sipaarniuteqarneq pillugu ataatsimoorumik pilersaaruteqanngilaq. Illuatungaatigulli immikkoortut ta- marmik ataasiakkaarlugit nalilersorneqartassapput, taamaaliornikkut immikkoortuni aaqqiissutit Namminersorlutik Oqartussanut atorfilinnullu ataasiakkaanut pitsaa- nerpaamik aaqqiissuteqarnissat qinersinnaajumallugu. Taamaammat suliniuteqar- nerit alloriarnikkaarlugit ingerlanneqassapput tamannalu tunngavigalugu suliasat aalajangersimasut aallartisarneqartassallutik.

Neriuppunga siuliani allassimasutigut apeqquteqaatitut akisimassallugit.

Ikinngutinnesrumik inuulluaqqusillunga

Palle Christiansen
Aningaasaqarnermut Naalakkersuisoq